



ცაგერის მუნიციპალიტეტის საკრებულო



დადგენილება: დ-81.81221525

თარიღი: 01/06/2022

ცაგერის მუნიციპალიტეტის საკრებულოს

დადგენილება №28

„ცაგერის მუნიციპალიტეტის ქალაქ ცაგერის ადმინისტრაციულ საზღვრებში არსებულ ტერიტორიაზე წვრილფეხა ან/და მსხვილფეხა პირუტყვის კერძო საკუთრებაში არსებული ფართის გარეთ ყოლის აკრძალვის ღონისძიებების დამტკიცების შესახებ“ ცაგერის მუნიციპალიტეტის საკრებულოს 2022 წლის 06 აპრილის № 19 დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის შესაბამისად, ცაგერის მუნიციპალიტეტის საკრებულო ადგენს:

მუხლი 1

„ცაგერის მუნიციპალიტეტის ქალაქ ცაგერის ადმინისტრაციულ საზღვრებში არსებულ ტერიტორიაზე წვრილფეხა ან/და მსხვილფეხა პირუტყვის კერძო საკუთრებაში არსებული ფართის გარეთ ყოლის აკრძალვის ღონისძიებების დამტკიცების შესახებ“ ცაგერის მუნიციპალიტეტის საკრებულოს 2022 წლის 06 აპრილის №19 დადგენილებაში (www.matsne.gov.ge, 11/04/2022წ. სარეგისტრაციო კოდი: 010250050.35.116.016542) შეტანილ იქნეს შემდეგი ცვლილება:

- დადგენილების მე-4 მუხლი და მე-4 მუხლით დამტკიცებული დანართი №2 ამოღებულ იქნეს.
- დადგენილებით დამტკიცებული დანართი №1-ის მე-3 პუნქტი ჩამოყალიბდეს შემდეგი რედაქციით:

„ 3. პარკში, სკვერში ან გამწვანების ზონებში წვრილფეხა ან/და მსხვილფეხა პირუტყვის მეთვალყურეობის ქვეშ ან მეთვალყურეობის გარეშე ყოფნის შემთხვევაში, წვრილფეხა ან/და მსხვილფეხა პირუტყვის მესაკუთრე დაჯარიმდება კანონით დადგენილი წესით, 50 ლარის ოდენობით“.

- დადგენილებით დამტკიცებული დანართი №1-ის მე-5 პუნქტი ჩამოყალიბდეს შემდეგი რედაქციით:

„5. წვრილფეხა ან/და მსხვილფეხა პირუტყვის მესაკუთრე ვალდებულია დაკისრებული ჯარიმა გადაიხადოს საჯარიმო ქვითრის ჩაბარებიდან 30 დღის ვადაში. ამ ვადის გასვლის შემდეგ დაკისრებული ჯარიმის, პირუტყვის სპეციალურ ადგილზე გადაყვანისა და პირუტყვის მოვლა-პატრონობის ხარჯების ანაზღაურების უზრუნველყოფის მიზნით,

ხორციელდება პირუტყვის რეალიზება საბაზრო ფასებით.”

4. დადგენილებით დამტკიცებული დანართი № 1-ის მე-9 პუნქტი ჩამოყალიბდეს შემდეგი რედაქციით:

„9. ცაგერის მუნიციპალიტეტის ქალაქ ცაგერის ადმინისტრაციულ საზღვრებში არსებულ ტერიტორიაზე დაჭერილი და სპეციალურ იზოლატორში გადაყვანილი წვრილფეხა ან/და მსხვილფეხა პირუტყვის ყოველდღიური შენახვისათვის საჭირო ხარჯებს განსაზღვრავს არასამეწარმეო (არაკომერციული) იურიდიული პირი „კომუნალური მომსახურება“.

5. დადგენილებით დამტკიცებული დანართი №1-ის მე-13 პუნქტის „ა“ ქვეპუნქტი ჩამოყალიბდეს შემდეგი რედაქციით:

„ა) არ დაუშვას წვრილფეხა ან/და მსხვილფეხა პირუტყვის გაშვება პარკში, სკვერში ან გამწვანების ზონებში მეთვალყურეობის ქვეშ ან მეთვალყურეობის გარეშე;“.

მუხლი 2

დადგენილება ამოქმედდეს გამოქვეყნებისთანავე.

ჭაბუკი ჭაბუკიანი

ცაგერის მუნიციპალიტეტის საკრებულო-საკრებულოს
თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი

